



KEYATAAN SIARAN MEDIA
(*Untuk Penerbitan Serta-Merta*)

02 Disember 2019

CGC Lantik Dua Pengarah Baru

KELANA JAYA, 02 Disember – Credit Guarantee Corporation Malaysia Berhad (CGC) dengan sukacitanya mengumumkan perlantikan Encik Faisal bin Ismail dan Puan Saleha binti M. Ramly sebagai Pengarah Bukan Eksekutif berkuatkuasa 1 Disember 2019.

Encik Faisal mempunyai lebih dari 30 tahun pengalaman kerja dan pendedahan di peringkat antarabangsa dalam lembaga pengarah dan pengurusan atasan. Beliau juga berpengalaman luas dalam bidang penggabungan dan pengambilalihan, korporat, kewangan, perancangan cukai, perundingan, transformasi dan sumber manusia. Pengalaman beliau meliputi pelbagai industri termasuk perhotelan, pelaburan & pembangunan harta tanah, penjagaan kesihatan, pembinaan & pembinaan kapal, perbankan, tenaga dan pendidikan. Sebelum ini, beliau memegang jawatan sebagai Pengarah Eksekutif di Landmarks Berhad, Pengarah Eksekutif di Binafikir Sdn Bhd, pengarah bahagian pelaburan di Khazanah Nasional Berhad dan juga Pengarah Urusan kumpulan Pantai Holdings Berhad.

Faisal adalah ahli bersekutu Institute of Chartered Accountants di England & Wales dan ahli Malaysian Institute of Accountants (MIA). Beliau juga adalah Pnegarah Bebas Bukan Eksekutif J.P. Morgan Chase Bank Berhad sejak tahun 2011.

Puan Saleha memulakan kerjayanya sebagai pensyarah di Fakulti Undang-Undang Universiti Malaya sebelum melangkah ke sektor swasta di mana beliau memegang pelbagai jawatan dalam bahagian undang-undang dan / atau kesetiausahaannya di beberapa syarikat. Beliau pernah berkhidmat di Sime UEP Properties Berhad, Sime Darby Berhad, Landmarks Berhad dan Country Heights Holdings Berhad. Selepas bersara pada tahun 2007, Puan Saleha meneruskan khidmatnya di Scomi Group Berhad, Perbadanan Insurans Deposit Malaysia dan kumpulan syarikat ACR Capital Holdings Pte Ltd di Malaysia dan Singapura sehingga 2018.

Puan Saleha membawa lebih 30 tahun pengalaman dalam bidang undang-undang korporat dan operasi kesetiausahaannya. Kepakaran beliau adalah termasuk merangka dasar tadbir urus korporat dan dokumen undang-undang di samping melatih kakitangan syarikat mengenai hal ehwal tadbir urus dan undang-undang.

Beliau dianugerahkan Ijazah Sarjana Muda Undang-Undang (LL.B) dari Universiti Malaya pada tahun 1977 dan Ijazah Sarjana Undang-Undang (LL.M) dari University of London, United Kingdom pada tahun 1978.

- Tamat -